



BANDIU PA' LA STAMPA CUMUNI DI LOIRI POLTU SANTU PAULU *"Dillu a moda tója"*

Illu Cumuni di **Loiri Poltu Santu Paulu**, sighi l'attivitai di valorizzazioni di li linghi di lu locu: palti lu pruggjettu di 3 anni **"Dillu a moda tója"**.

Torra a paltí cu' una noa e ambiziósa programmazioni di 3 anni, l'Ufficiu Linghisticu illu Cumuni di **Loiri Poltu Santu Paulu**. Grazii a lu proggjettu **"Dillu a moda tója"**, l'Unioni di li Cumuni di la Riviera di Gaddura, piddendi palti a lu pruggjettu incuminciato illu 2021, sighini a galda e prummuí la Linga Gadduresa.

L'attivitai, finanziata da la Riggjoni Autònuma di Saldigna pal mezu di lu bandiu TuLiS (Annualitai 2025-2026-2027), cu' la L.R. nr. 22/18 e L.R. nr. 6/12, à com'e scoppu, chissu di prummuí lu bilinguismu illu territoriu. Grazii a la noa impustazioni di 3 anni, sarà appustata una programmazioni ancora piú strutturata e stimolanti pa' la cumunitai.

Silvizi di Ufficiu Linghisticu:

Tutti l'oparadori, infrà di l'orariu di l'Ufficiu Linghisticu, appiú di traducí atti amministrativi e bandi pubbrichi, podarani esse d'aggiutu, pal mezu di l'attivitai pa' faiddà cu' la gjenti (front office), a chissa palti di la cumunitai chi teni bisognu, curiositai o piaceri a cunfruntassi cun iddi innantu a tematichi linghistichи e culturali chi ani fattu la storia di chistu tarritoriu.

Fulmazioni:

Illu pruggjettu sarani mattessi fatti di li scoli di fulmazioni lingistica di linga gadduresa, chi selvini pa' imparà li reguli noi di la scrittura e di la standardizzazioni lingistica. Li scoli sarani abbalti a l'oparadori cumunalì e mattessi a tutta la populazioni chi teni intaresu a sighilli.

Cultura e Scola:

Lu Premio di Poesia: una palti impultanti sarà incumandata a li scoli pubbrichi di lu tarritoriu, pa' la 3^a e la 4^a edizioni di lu concursu di Poesia Tarritoriali. Oparadori spelti di linga accumpagnarani li sculani e li mastri, pal mezu di laboratorii e aboii pa' scrí testi in rima e prosa. L'opari chi vinciarani diventarani rappresentazioni d'alti (comu banner e roll-up) isposti in lochi impultanti di lu Cumuni.

Nuitai e Tarritoriu:

Cu' li nuitai chi polta chistu proggjettu di 3 anni, ispricca la realizzazioni di video in linga pa' rilattà li mannittù di l'alchitettura, di l'alcheologia e li tradizioni di la Riviera di Gaddura. Cun chistu pruggjettu si vó fà paltzipà tutticanti, mattessi di diffarenti etai, cu' occasioni pa' fà sta imseambi cionai e ansiani e si vó trabaddà insembi a li Pro Loco, associazioni culturali e uffici turistichи pa' dà valori a lu patrimoniu di lu locu, puru a l'occji di li stragni.

L'orariu d'abbaltura di l'Ufficiu Linghisticu di **Loiri Poltu Santu Paulu**, e comu iscrissi a li scoli, venarani pubbricati illi siti web istituzionali e innant'a li profili social di l'enti intarissati.

Pa' calche alta infulmazioni, l'oparadori linghistichи podarani esse agattati scriendi una mail a: sportelloolinguisiticoriviera@gmail.com o innantu a la pagina Facebook **Istituto Chircas**.